

» parola, che sola non è niente; sti correttori in genere abbia da
» pensar al ben dei patrizi. Me par certo de doverghe veder qual
» cosa dopo che semo stadi dentro alle cose pubbliche, e ghe vede-
» rà tanti altri più de nu. Altro è el provveder a sto ben dei patrizi
» che el se faccia; altro è che el se diga. Elle non troverà (e deve
» arrossirse ciaschedun e cominciamo nu stessi a covrirse de rossor
» dall' altezza del posto nel qual semo) quel legislator prudente, de
» qualunque specie de governo se sia, o aristocratico, o democra-
» tico, o monarchico, o oligarchico, no le troverà un legislator, che
» formi una deliberazion che lo avviliisca e metta in un orrido timor
» i sudditi e in una terribile confidenza i principi stranieri. Con sta
» ferocità di scriver avemo nu dà sempre segno de governar nu al-
» tri stessi e le nostre passion, e apportemo, che se diga in faccia ai
» sudditi su cosa versava le nostre contenzion? Le fu sulla base, che
» se comandasse a cinque cittadini de pensar al ben nostro. Questa
» la sentimo sì vivamente, che la ne cava le lagrime e la ne fa arros-
» sir. In qualunque prudente legislazion no le la troveria dopo 15
» secoli in oggi accettabile. Non già che non le abbia dà caparre e
» contrassegni de pubblico amor, le l' ha dà in ogni tempo, da che
» è nata la repubblica; ma non basta. Se ghe n' ha da dar de nove;
» no s' ha da far una legge proposta in faccia a tutta la terra, che
» ne disonori. Se altro no ghe fosse che questo, bisognaria, che le
» ripudiasse el mandato fiol della proposizion dei Cai de XL amando
» el loro paese, e cercando la gloria de se stessi; e non solo col
» voto, ma bisognaria, che colla voce anche le lo abbominasse. Ma,
» Dio bon! Che proposizion è quella mai, se la lassa in libertà a
» cinque cittadini eletti correttori de portar le parti o al senato, o
» al Mazor Conseggio: condizion e privileggio non intendibile colle
» parole e colle spiegazion de ser Contarini? Ma ridusemo i termini
» al so vero senso, come i ze. El Mazor Conseggio ha fatte le sue
» division, l' ha dà al senato quel che l' ha credudo necessario de
» dar al senato, l' ha ritenudo per se stesso quel che l' ha credudo
» dover ritener per se stesso. Chi zelli sti correttori? Le ne lasci